



ERNESTVS TENZELL, 39

J. V. D. 1723, 24

27

EMINENTISSIMI ac CELSISSIMI PRINCIPIS ELECTORIS
MOGVNTINI CONSILIARIVS REGIMINIS, IVDICII PROVIN-
CIALIS ERFORDIENSIS ASSESSOR, ac DICTÆ CIVITATIS
CONSVL PRIMARIVS,

COLLEGII ICTORVM H. T. DECANVS,
ADLECTIONEM SOLENNEM QVAM VOCANT CVRSORIAM
SVPER

L. 77. §. 20. ff. de Legatis 2.

ET

DISSERTATIONEM INAUGVRALEM
DE

CONVENATIONIS REVO-
CATIONE,

Von Aufstündigung der Doppel-Sagt!

A

DOMINO

JOAN. CHRISTOPHORO OTTONE,

Nordhusano,

Not. P. C. & Adv. Sax. Elect. immat. nec non Pract. Altenb.

J. V. CANDIDATO,

D. IX. JVLII. A. M DCC XXIII.

IN AVDITORIO ICTORVM MAJORI
HABENDAS,

Decenter invitat.

ET

QVANTVM PRO PAGELLARVM ANGVSTIA LICVIT
DE

COMMVNIONE PERPETVA
DISSERIT.

ERFORDIÆ, Typis GROSCHIANIS, Acad. Typogr.



Onum quidem, & jucundum est, fratres habitare in uno, sed nimis rarum! Inde odiosa adeo in jure est Communio, ut nemo invitus in communiōne manere teneatur, sec. effatum **ULPIANI** in l. 26. §. 4. ff. de Cond. Ind. Cum communiō discordias excitare soleat, l. 77. §. 20. ff. de leg. 2. Inde matrem eam discordiæ, & immensarum contentio- num, ac negligentia communiis velamen, appellat **MEV.** ad jus Lubec. p. 2. a. 29. n. 3. & 4. quæ præterea & illud malum parit, ut negligatur quod communiter possidetur L. 2. pr. C. Quand. & quib. quart. pars deb. Et licet fidem datam alias fallere jura non permittant, l. 1. ff. de pact. l. 1. ff. de const. pec. tamen nec pactum valere, ut perpetuo nexu quis ad communionem adstringatur, nec unquam ad rerum communionem divisionem provocare possit, jura voluerunt. l. 14. §. 2. ff. comm. div. l. 70. ff. pro soc. l. f. C. Comm. div. neque enim pacta contra jus publicum utilitatemve publicam inita, valere debent. l. 38. ff. de pact. Et ideo nec juramento tale pactum firmitatem accipere, multi ex Juris Dd. affirmant. vid. **BESOLD.** Consil. Tubingens. 25. n. 10. post **ALEX.** de IMOL. Vol. 2. Conf. 18. Quæ tamen doctrina suspecta visa est **JASONI** in l. 26. §. 4. de Cond. Indeb. ob regulam cap. 28. X. de Jurej. it. **SCHNEIDEW.** ad §. Quædam Actiones n. 19. J. de Art. & **BRUNNEM.** in d. l. 14. §. 2. ff. comm. div. & merito! Quid enim, quod hæc citra respectum ad jus Romanum, accuratius inspicienti, dubium facile videri possit, an, ubi deliberato ani-
mo

mo quis perpetuo in communiōe vivere, promisit, tanta utilitatis publicæ versetur certitudo, quæ aliquem fidem datam fallere, absque conscientiæ læsione permittat? Sane nec ullum jus tam certum est, quod non suos habeat contradictores, unde lites oriuntur. Et si damnum quod quis sua culpa sentit, non sentire videtur, quare incommodum, quod quis in communiōe perpetua sciens volensque suscepit, æquo animo ferre, non adstringendus? Et si quis constitutam in alterius fundo, vel domo habet servitutem, quæ mater rixarum haud raro efficitur, quare nec hic mutare voluntatem licet? Et quare Germani, qui in aliis, v.g. circa pacta contractuum præparatoria, subtilitatem Juris Romani non recepisse, sed in simplicitate Juris Gentium permansisse, dicuntur, in hac materia apices Juris Romani, agnoscunt? Majus vero dubium videtur, an non ultima voluntate & præsertim fideicommissio, communiō perpetua introduci possit? Sanè quod nec hoc procedat, prolixè SCHNEIDEW. in §. *Quædam actiones*, 20. sub act. *Comm. div. n. 21. seqq.* asserit, præcipua ipsius ratio est, quod nec ultimæ voluntates in præjudicium utilitatis publicæ valeant. Eidem adstipulantur BESOLD. *Consil. 249.* RICHT. *de contract. Disp. 13. tb. 2 lit. f.* PEREGRIN. *de Fideic. art. XI. n. 80.* cum pluribus alleg. Ast si valet dispositio, ne bona extra familiam unquam alienentur, § 57. ff. ad L. *Falc.* & sic fideicommissum Familiæ, per ultimam voluntatem introduci potest, an non, cum divisio sit species alienationis, & prohibitio divisionis perpetua valebit? Certè valere, si Pater comminationem privationis hereditatis addat, aut sub expressa conditione communi-

nionis leget, fatetur BRUNNEM. in l. 14. §. 2. ff. comm. div. n. 7. seq. ergo quidni etiam valebit, si voluntas Testatoris, cui de rebus suis liberè disponendi potestas relicta, aliis verbis seriam suam expressit voluntatem? Illud verò dubio caret, quod Testator ad evitandam communionem, specialiter disponere possit, qualis casus in L. cum Pater. 77. §. Dulcissimis 20. ff. de Leg. 2. occurrit, quam pro Lectione cursoria sibi elegit

Nobilis ac Clarissimus Jurium Candidatus

DN. JOH. CHRISTOPH. OTTO,
cujus vita laudabiliter huc usque peracta, pro more hujus universitatis recepto nunc recensenda. Vitalem hanc aspexit lucem, favente supremo Numine, in Libera S. R. J. Civitate Nordhusa, Anno Millesimo, sexcentesimo, nonagesimo octavo, d. 18. Septembr. Parentibus, Viro Plurimum Reverendo, Dn. JOANNE RICHARDO OTTONE, in dicto, nativitatis Candidati nostri, loco, ad S. Mariae Virginis in Valle, Pastore, piæ memoriæ. Matre Divini Numinis gratia adhuc superstitite: MARIA ELISABETHA, nata OFFNEYIN. Avum habuit Paternum, Dn. JUSTUM HENRICUM OTTONEM, *Nobilissimi Senatus Nordhusani Zygotaten, seu Libripendem,* cujus uxor, respectivè avia ejus paterna, fuit: MARGARETHA ELISABETHA, nata STISSERIN. Avus ipsi fuit maternus: FRIDERICUS WILHELMUS OFFNEY, *Collegii Mercatorum, in dicta S. R. J. Libera Civitate membrum Spectabile,* hujusque uxor MARIA ELISABETHA, nata KELLNERIA. Memoratorum antea parentum, indefessa, ab ineunte statim Dni Candidati nostri ætate, fuit cura, ut præ-

præcepta Religionis Christianæ imbibere, quare lavacro Sacri fontis initiari, paulo post tempora nati-
vitatæ ejus, curare, posteaque privatæ Præceptorum
informationi, usque dum annum ætatis attigerit quin-
tum, ad instruendum in Regulis pietatis & Christia-
nismi, tradiderunt. Posthæc, Albo Alumnorum Gym-
nasii Nordhusani, Rectore Dn. DUNCKELBERGIO,
p. m. fuit adscriptus, ubi singulas ejusdem Gymnasii
permigrando Classes, humanioribus artibus, aliisque
ad bonam educationem necessariis disciplinis, fuit in-
structus. Curam ibi & sollicitudinem laudat potissi-
mum, dicti Gymnasii Rectoris, DUNCKELBERGII
& ejus Successoris, Dni JOANNIS JOACHIMI MEIE-
RI, jam Pastoris ad *S. Petrum in Monte, Nordhuse*, nec
non tunc temporis Conrectoris, nunc autem Recto-
ris ibidem dignissimi, Dni JOANNIS CHRISTIANI
WEBERI, utpote cujus tam publica, quam intra suas
ædes, privata informatio, ipsius in literis & historicis,
profectus, adauxit. Quo autem & exterorum in hu-
manioribus perciperet præcepta, dilectissimi antea
memorati Parentes, Anno 1717. ad Orphanotrophium
Glauchense, prope Halam Magdeburgicam, miserunt,
ibique Scholæ, ut vocant, latinæ, fuit insertus, ubi quo-
que per semestrem spatium, nimirum à tempore Pascha-
li, usque ad terminum Michaelis commoratus, ac ma-
nuduæione Dn. Inspectoris HEMPELII, Domini E-
SCHERTI, aliorumque ad acroases Academicas præ-
paratus, habiliorque & maturior est redditus, quibus
tandem in ipso Athenæo Halensi Inclyto d. a. 1717.
post festum Michaelis sese applicuit; postquam sub Pro-
Rectore Magnifico, Viro Summe Reverendo, Dn. AU-
GUSTO

GUSTO HERMANNO Grauden, SS. Theol. *ibid.* Prof. Publ. Ord. & Past. ad S. Ulric. d. 23. April. d. a. in numerum Civium Academicorum fuit relatus. Ibi Doctrinæ Philosophiæ naturalis, rationalis, & moralis sedulo incubuit, ductore atque Doctore, Dno JO. MICH. HEINECCIO, Pot. Regis Boruss. ac Elect. Brand. Consil. Aulico ac Prof. publico Ordinario. Studium Metaphysices, cum Logico ac Physico, ex ore, Viri, non solum in Germania sed apud exteras quoque gentes Celeberrimi, Dni JO. CHRIST. WOLFFII, d. Regiæ Majest. *ibidem* Consiliiarii Aulici, ac Professoris Mathematicæ Publ. Ord. percepit. Desuper, cum videret, sibi ad manus esse Viros orbem literatum illuminantes, celebres Germaniæ nostræ Jctos, Studium arripuit Juridicum, illudque per tria semestria dicto in loco excoluit, præeuntibus Dnis CHRISTIANO THOMASIO, *Universitatis Halensis Directore*, HENRICO à BODEN, p. m. JUSTO HENNINGO BOEHMERO, *Sereniss. ac Potentiss. Regis Boruss. Consiliiarii intimis, ac Professoribus Juris Ordinariis*, Dn. GOETSCHIO, *ibidem* Prof. Juris Ordinario p. m. aliisque Jurium Professoribus, tam publice quam privatim illud illustrantibus. Audivit quoque *ibidem* Dnum D. BOENIGKIUM, *Prædicum Celeberrimum*, ad Institutiones Imperiales & Pandectas commentantem. Peracto, dicti temporis, hac in celebri musarum sede, spatio, jussu optimorum Parentum, Lipsiensem adiit Academicam, quo se in diem perfectiorem in scientiis & disciplinis acquisitis redderet; hunc in finem, Collegia elegit, Dn. D. RÜDIGERI, Præcepta Logices & Juris Naturæ, una cum doctrinis Physicis & Medicis, tradentis. Interfuit quoque Lectionibus, Viri Perillustres
ac

ac Consultissimi Dni LÜDERI MENCKENII, *Illustris*
Jctorum Lipsiensium Ordinis Antecessoris & Ordinarii,
Dogmata Juris Canonici & Criminalis illustrantis. Me-
thodo verò procedendi in foro Saxonico, à Dn. D. &
Professore SCHACHERO, Practico felicissimo, fuit
instructus, insuper Collegia Celeberrimorum ibidem
Jctorum RECHENBERGII & PHILIPPI, *Ordinis*
Jctorum Senioris, aliorumque frequentavit. / Dnus D.
WEIDLINGIUS ipsum in Jure feudali erudit, &
apud Dnum Drem DÆGENERUM Collegium ad
Compendium Pandectarum Lauterbachianum, & præ-
ter hoc, Processuale elaboratorium, absolvit, sic hoc
modo biennium integrum in Academia Lipsiensi
transegit. Fundamentorum itaque processus Judi-
ciarii Saxonico-Electorali gnarus, à modo dicta Aca-
demia recessurus, atque ad Praxin forensis se accom-
modaturus, vigore mandati Electoralis Saxonici Dip-
poldisvaldensis de anno 1691. coram Illustri Facultate
Juridica Lipsiensi d. IX. Maji 1721. Examen subiit, pro
Praxi Juris licite exercenda, post quod, cum idoneus
fuerit adjudicatus, in foro admitti, Dresdam se contu-
lit, ibidemque coram Illustrissimo Regimine Saxoni-
co-Electorali novo Specimine præstito, d. XVI. ejusd.
anni, juramento Advocatorum obstrictus, horumque
matriculæ insertus est. Ex quo tempore Altenburgum
petiit, ibique singularem invenit patronum, hospitato-
rem, ac hospitem: Dnum Doctorem CONRADUM
SAMUELEM EILHARDUM, *Jctum & Advocatum*
ibid. Aulicum Ordinarium, ubi quoque per biennium, ac
in vicinis Dicastriis Saxonico-Electoralibus, Praxi in-
cubuit. Notariatus insuper Publici Cæsarei Jurati di-
gnitas, ipsi A. 1723. Mense Jun. in Civitat. Altenburg.
fuit

38
fuit collata, à Domino, CHRISTOPHORO de
KUNTZSCH, in Runtdorff & Langenbrücken &c. Sacri
Palatii Lateranensis, Aulæque Majestatis Cæsareæ, &
Consistorii Imperialis Comite, nec non Consiliar. Sa-
xo-Gothan. Non ita pridem autem Perantiquam no-
stram Universitatem accessit, uomenque matriculæ Ci-
vium Academicorum dedit, eum in finem, quo voti, su-
premorum Jurium honorum capeffendorum, compos-
feri possit. Adiit itaque Collegium nostrum Fa-
cultatis Juridicæ, petiitque, ut ad consuetum Examen
rigorosum admitteretur, cum autem cuicumque Janua
ad hoc Examen pateat, ei quoque non potuimus obesse,
sed transmisiimus more Consueto textus ex utroque
Jure elaborandos, exploravimus autem in ipso Examine
& resolutis textibus, ipsius profectus, ac cénsumus
non immerito esse æquiparandos illis, quibus summi
in utroque Jure tribuuntur honores; Nihil autem am-
plius superest, quam ut specimen quoque eruditionis
suæ publicum edat; quam ob causam futura die Veneris
9. Jul. Lectionem Cursoriam, hacque finita, Dissertationem
Inauguralem habebit. Horum Speciminum testes quo
habeat publicos, Magnifici Dn. Rectoris, Illustrium
Universitatis nostræ Procerum, Mæcenatum, Excellentissimorum
omnium facultatum Professorum, caterorumque Patronorum,
fautorum, florentissimæque Juventutis coronæ, præsentiam,
ea qua par est decencia, mihi expeto, & si iis libuerit, finito
opponentium munere, vires Candidati nostri tentare,
amanter rogantur. Publ. sub Sigillo Fac. Jurid. Dom. VI. post
Trinit. d. 4. Julii 1723.

(L. S.)



Erfurt, Diss., 1723

X 2386946







ERNESTVS TENZELL, 39

J. V. D. 1723, 24 27

EMINENTISSIMI AC CELSISSIMI PRINCIPIS ELECTORIS
MOGVNTINI CONSILIARIVS REGIMINIS. JVDICII PROVIN-
CIALIS ERFORDIENSIS ASSESSOR, AC DICTÆ CIVITATIS
CONSVL PRIMARIVS,

COLLEGII JCTORVM H. T. DECANVS,
ADLECTIONEM SOLEMNEM QVAMVOCANTCVRSORIAM
SVPER

L. 77. §. 20. ff. de Legatis 2.

ET
DISSERTATIONEM INAUGVRALEM
DE

CONVENATIONIS REVO-
CATIONE,

Von Aufstündigung der Doppel-Fagt/

DOMINO
JOAN. CHRISTOPHORO OTTONE,

Nordhusano,

Not. P. C. & Adv. Sax. Elect. immat. nec non Pract. Altenb.

J. V. CANDIDATO,

D. IX. JVLII. A. M DCC XXIII.

IN AVDITORIO JCTORVM MAJORI
HABENDAS,

Decenter invitat.

ET
QVANTVM PRO PAGELLARVM ANGVSTIA LICVIT
DE

COMMVNIONE PERPETVA
DISSERTIT.

ERFORDIÆ, Typis GROSCHIANIS, Acad. Typogr.